

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst («Službene novine Zeničko-dobojskog kantona», broj 7/10), a u vezi sa članom 112. stav 1. Poslovnika Skupštine Zeničko-dobojskog kantona (“Službene novine Zeničko-dobojskog kantona”, broj:7/12), razmatrajući Inicijativu v.d. Gradonačelnika Grada Zenica, broj: 01/02-02-7249-1/16 od 02.06.2016. godine, za izmjenu Zakona o korištenju, upravljanju i održavanju zajedničkih dijelova i uređaja zgrade (“Službene novine Zeničko-dobojskog kantona”, broj: 4/16), Vlada Zeničko-dobojskog kantona, na 68. sjednici, održanoj dana 01.09.2016. godine, d o n o s i

ZAKLJUČAK

I

Prihvata se Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Inicijativi v.d. Gradonačelnika Grada Zenica, broj: 01/02-02-7249-1/16 od 02.06.2016. godine, za izmjenu Zakona o korištenju, upravljanju i održavanju zajedničkih dijelova i uređaja zgrade (“Službene novine Zeničko-dobojskog kantona”, broj: 4/16).

II

Stav Vlade o Inicijativi iz tačke I ovog zaključka upućuje se Skupštini Zeničko-dobojskog kantona.

III

Zaključak stupa na snagu danom donošenja.

Broj: 02-_____/16.

Datum, 01.09.2016. godine

Z e n i c a

PREMIJER

Miralem Galijašević

DOSTAVLJENO:

1 x Stručna služba Skupštine,

1 x Ministarstvo za prostorno uređenje,

promet i komunikacije i zaštitu okoline,

1 x a/a.

Na osnovu člana 112. stav 1. Poslovnika Skupštine Zeničko-dobojskog kantona-Prečišćen tekst ("Službene novine Zeničko-dobojskog kantona", broj:7/12), Ministarstvo za prostorno uređenje, promet i komunikacije i zaštitu okoline Zeničko-dobojskog kantona, daje

M I Š L J E N J E

Stručna služba Skupštine Zeničko-dobojskog kantona, dostavila je Vladi Kantona i Ministarstvu za prostorno uređenje, promet i komunikacije i zaštitu okoline radi davanja mišljenja Inicijativu Grada Zenica za izmjenu Zakona o korištenju, upravljanju i održavanju zajedničkih dijelova i uređaja zgrade ("Službene novine Zeničko-dobojskog kantona", broj:4/16), koju je u ime Grada Zenica podnio v.d. Gradonačelnik.

U Inicijativi za izmjenu Zakona o korištenju, upravljanju i održavanju zajedničkih dijelova i uređaja zgrade navodi se da je ista podnijeta radi usklađivanja člana 49. Zakona o korištenju, upravljanju i održavanju zajedničkih dijelova i uređaja zgrade sa članom 10. Zakona o prekršajima ("Službene novine Federacije BiH", broj:63/14), tako što će se član 49. Zakona o korištenju, upravljanju i održavanju zajedničkih dijelova i uređaja zgrade brisati.

Kao obrazloženje navedene Inicijative navodi se da je u članu 49. Zakona o korištenju, upravljanju i održavanju zajedničkih dijelova i uređaja zgrade propisana novčana kazna za prekršaj za Grad, odnosno općinu što je u suprotnosti sa članom 10. Zakona o prekršajima kojim je propisano da "za prekršaj ne mogu biti odgovorni Federacija, kanton, grad, općine i mjesne zajednice.

O navedenoj Inicijativi Ministarstvo za prostorno uređenje, promet i komunikacije i zaštitu okoline izjašnjava se kako slijedi:

Ministarstvo za prostorno uređenje, promet i komunikacije i zaštitu okoline kao obrađivač dostavilo je u skupštinsku procedure Nacrt Zakona o korištenju, upravljanju i održavanju zajedničkih dijelova i uređaja zgrade koji je Skupština Zeničko-dobojskog kantona prihvatila Zaključkom broj:01-02-17753/15 od 01.10.2015.godine i uputila u Javnu raspravu u trajanju od 60 dana.

Postupajući po navedenom Zaključku Skupštine Ministarstvo u saradnju sa nadležnim općinskim službama organiziralo i provelo javnu raspravu tokom koje su na Nacrt Zakona primjedbe, sugestije i mišljenja između ostalih dostavili i Služba za inspeksijske poslove Grada Zenice i Kantonalna uprava za inspeksijske poslove Zeničko-dobojskog kantona bez primjedbi na član 49. Zakona.

Prije dostavljanja Prijedloga Zakona o korištenju, upravljanju i održavanju zajedničkih dijelova i uređaja zgrade u skupštinskoj proceduri pozitivno mišljenje dali su Ministarstvo za pravosuđe i upravu, Mišljenje broj:06/03-25-10623-8/15 od 28.12.2015.godine i Sekretarijat za zakonodavstvo, Mišljenje broj:03-02-15484-2/15 od 08.01.2016.godine, čime su bili ispunjeni svi potrebni preduslovi za razmatranje i donošenje predmetnog Zakona.

Imajući u vidi da je: odredbama člana 3. Zakona o gradu Zenica ("Službene novine Federacije BiH", broj:80/14), propisano da Grad Zenica ima svojstvo pravnog lica, a članom 2. Statuta Grada Zenica također propisano da je Grad Zenica pravno lice, a članom 34 alineja 1 Statuta Grada Zenica propisano da Gradonačelnik kao nosilac izvršne vlasti u okviru samoupravnog djelokruga Grada, predstavlja i zastupa Grad, da je odredbama Zakona o principima lokalne samouprave u FBiH propisano da općinski načelnik predstavlja i zastupa

općinu, a odredbama člana 62 Zakona o organizaciji organa uprave u FBiH ("Službene novine Federacije BiH", broj:35/05) propisano je da općinski načelnik, odnosno gradonačelnik rukovodi svim općinskim odnosno gradskim službama za upravu i upravnim organizacijama o u tom pogledu ima ovlaštenja utvrđena ustavom, zakonom, statutom općine odnosno grada i drugim propisima, te je lično odgovoran za rad službi kojima rukovodi, Ministarstvo za prostorno uređenje, promet i komunikacije i zaštitu okoline smatra da nema osnova za brisanje člana 49. Zakona o korištenju, upravljanju i održavanju zajedničkih dijelova i uređaja zgrade.

MINISTAR

Fahrudin Brkić